

秦邊紀略

秦邊紀略卷四

肅州衛

雍正初年改衛爲州設州牧高臺縣屬焉

四郡去河東肅州獨遠三面受敵通呼吸於一綫者獨肅  
爲危漢置都護校尉在西域之西唐亦置都護府皆遠  
在肅州之虛空萬里外未常爲危况肅爲禹跡所至雍

州之地者乎亦存乎其人耳

四郡不及於燉煌者久棄於塞外也肅州爲秦塞之

極西當夷之極衝其去河東之蘭州且一千九百五十里湟莊甘涼皆相接連惟南北爲邊塞肅州則止東接甘州其西南北三面皆屬夷疆漢代西域自武帝元封三年遣趙破奴擊車師因烏孫大宛始焉於是酒泉列亭至玉門矣漢置都護自宣帝用騎都尉鄭吉始置校尉於西域則不可勝數若班超尤卓卓者唐置安西  
護自太宗始禹導弱水至於合黎在肅  
州東北二百四十里故曰禹跡所在肅州之東爲甘

州可置勿論其西則嘉峪關金墉玉門在是也南有祁

連較之甘州走集多險但守重岡硤則隨山三百里雖

高枕可也何言乎獨肅爲危也甘州在東四百二十里其接界則在東之花牆

兒相距二百四十里嘉峪關在西七十里其外則石山天險其牆則堅固高厚出關而外則皆昔之赤斤蒙古

地昔皆西夷據牧之金墉玉門言其堅也祁連在南一百五十里祁連之北且有觀音山紅山寒水石山疏黃

山重岡複嶺深河急水故夷大舉必不能由此不過小竊往來耳重岡硤在東南二百八十里凡夷往來南邊

必由此硤肅之南邊東自漢水起西自嘉峪止統二百七十里皆依山阻險故曰隨山三百里也雖肅

州之外地皆沙漠內地盡潮滷不能因山邊險塹豁谷

以繕治者三之一焉然肅屯於中下古屯於邊金塔屯

塞外萬里長城以人爲之矣何言乎獨肅爲危也凡河西朝

鹵之地每歲孟冬仲秋其土潮漲泥水自地中湧出當此兩月不惟牆崩且能陷焉肅之北邊西自嘉峪關起東至胭脂關止統三百九十里西自嘉峪關至兩山口東至胭脂而至鎮夷皆有邊堵惟下古城而東至於深溝堡統一百六十里全無長城雖抽兵築板未幾卽圯有明常濬濠數道然土脈潮漲則濠亦不免於傾沒肅州城有副戎下古城在東北四十五里有守備金塔寺堡在東北九十里有遊戎

且河西之插

入夷地三面受敵者西甯亦然西甯如象唇肅州如象

鼻形勢同也西甯撤四衛而藩籬單薄肅州棄三衛而

寇逼門庭外侮同也青海黃河祁連紫塞列於左右萃

淵同也何言乎獨肅爲危也

西甯四衛曰罕東曰曲先曰安定曰阿端皆明初洪

武間置於青海上以處內附之夷爲西甯西面之蔽者也正德間亦卜刺竄據青海而四衛遂廢肅州三衛曰赤斤蒙古衛曰罕東左衛曰哈密衛皆明永樂間置於古燉煌地以處內附之夷通西域之貢道者也正德間

土魯番侵伐哈密而三衛遂棄青海黃河皆近於西甯  
祁連山居西甯肅州之間紫塞卽黑山在北昔西之青  
海爲達賴黃台吉住牧河州西甯之間捏工川莽刺川  
滾卜川爲賴爾加黃台吉住牧祁連山下之大通河爲  
麥力幹黃台吉住牧此西甯之萃淵藪也肅南之討來  
川爲麥爾幹喀住牧紅泉爲阿爾賴青台吉住牧肅之  
西有扇馬營爲索囊王建兒台吉及綽力免台吉首氣  
吉住牧又西有赤金湖爲藏勞滾卜及綽爾吉住牧北  
之威虜城爲額力刻窟隆住牧又北坤多魯爲漢頓  
吉及無素賴爾定合首氣住牧其他遠牧之夷尚多詳  
新城堡中此肅曰非然也西甯與肅已有同而不同者  
之萃淵藪也

孤懸獨出西南北皆夷不若西甯三面可據河東北壤  
也商旅不行日中開市不如西甯之貿遷輻集也土饑  
而瘠野無餘糧不若西甯之倉箱輦載也流亡漸多熟  
番無幾不若西甯之戶口增而土司盛也北無扼塞且

至二百里不若西甯住牧之夷關市久而相安也如是

且不得與西甯絜長短則何解乎獨肅爲危也然則綢

繆牖戶之計烏可不早爲耶西甯東通河州東北通莊浪西北可至甘州所謂三

面可據也肅州自貿易布皮而外無他行旅止鎮夷產

稻他堡雖有雜糧然皆薄收漢初徙民以實酒泉戶口

一萬八千有奇明洪武時戶五千八百五十口一萬三

千六百遞至嘉靖萬歷代有減少至天啓崇禎歲有減

少肅之屬番屬編戶纔五百戶其黑番黃番在後堡者

則已納夷添巴非可得而臣民者矣肅州一副戎二遊

戎三守備合兵二千五百員名耳

肅州南邊 清水堡在甘州紅崖西五十里 金佛寺清水堡西五十里 永

安堡金佛寺西一十里 紅山莊永安堡西一十里 文殊口紅山莊西四十里 仰來

泉文殊口西一十里 嘉峪關仰來泉西四十里

肅州北邊

嘉峪關

肅州衛西七十里

肅州衛

甘肅西四百里三十里

野

麻灣堡

嘉峪關東北五十里

新城堡

野麻灣西十里

兩山口

新城堡西三十里

下

古城堡

兩山口東三十里

金塔寺堡

下古城北五十里

臨水堡

金塔寺南六十里

里雙井堡

臨水堡東六十里

鹽池驛

雙井堡東四十里

深溝堡

鹽池驛東四十里

里鎮夷所

深溝堡北三十里

沙碗堡

鎮夷所東二十五里

胭脂堡

沙碗堡東二十里

五里

肅州近疆

石灰關

在肅州之東南清水堡之東

黃草壩

在清水堡之東鎮夷所之南

所之南甘肅州討來川

肅州之南祁連山主山之北

速魯川

肅州之南草打班之西

卯來泉

在肅州西南

扇馬城

在肅州之西嘉峪關之外

赤斤蒙古衛

肅州之西

玉門舊縣之南


玉門縣故城

扇馬城西赤斤衛北

晉昌縣故城

在肅州之西南瓜州

之東坤都魯在肅州西北赤黑山在肅州之北威魯城在肅州東北金塔寺在肅州東北鎮夷在肅州東北毛目城在肅州東北平朔城在肅州東北兀魯乃湖在肅州東北遮魯障在肅州東北夷之北



肅州南邊

清水堡在南山之下東接紅崖南通山口皆夷人可以馳逐之途非若九九山狹隘者比也堡依山而地則平黃草榆林諸壩水利雖通而黑番取之內府輸之外府不亦異哉則扼險防奸兵宜同於明制守宜嚴於他堡矣

西五十里至金佛寺

清水堡甘肅之接界也肅南皆山統謂之南山山則始爲祁連紅崖

屬甘州在東五十里山口卽南山口在南二十里九九山在東南三十里其山口可通西甯然狹隘難行多重岡複嶺焉堡地平行宜稼穡黃草壩榆林壩乾壩皆引水來灌田三壩皆黑番哺啍兒住牧其目曰蛇眼宛冲今其目曰蛇眼宛卜今納烏斯藏達賴喇嘛添巴明制騎兵二百步兵一百番兵五十名今堡有守備北至鎮

夷一百五十里

金佛寺堡臨山在南井田在北清水東達紅水內引亦四  
達之地也寺建於明初堡擴於中葉土地平衍水泉可  
通而堡之西南若觀音山紅山寒水石山硫黃山山外  
卽討來川也楚壩橋爲往來之谿徑苟斷橋而守之則  
堡之西南可稍舒焉西十里至永安堡臨山在南十五里井田莊在北  
四十里紅水壩河在西六十里其河源發南山夏流冬涸金佛寺建於大順間黃番宗釋爲建寺封僧羈縻之  
而已嘉靖二十八年巡撫楊博繕廣堡城增置戎兵觀音山麓在堡西南二十里其山則與祁連相連相去甚  
遠因山有觀音寺故俗卽以此呼紅山在觀音山之西與觀音山相連寒水石山與紅山相連硫黃山與寒水  
石山相連討來川在堡南二百一十里楚橋在觀音山口內山水漂浮林木紛紜交積水從下流其木日久堅  
定漸積如橋人馬行其上黑番今其目曰官代完卜納達賴喇嘛添巴明制兵一百四十三名番兵二十名今

堡有把總西北  
至肅州九十里

永安堡在觀音山口豐樂川原從此而發引渠折派邊堡  
之灌溉藉焉肅南以祁連火山爲障諸隘多險獨觀音  
山口路闊山寬故討速魯紅泉內之天生橋楚壩橋但  
一斬絕則河水流漸夷固不能飛渡渡橋迤而南有重  
岡硤凡犯肅南不經此硤更無他途但一人守之萬人

莫能當者二橋雖不斷焉可也

堡亦謂之觀音堡然山  
在南九十里但堡在山

口耳祁連山在南一百二十里餘火山亦在其南與祁  
連相連討來川速魯川今住牧西夷曰麥爾幹哈曰阿  
爾賴青臺吉紅泉在西南今住牧西夷曰索囊南占天  
生橋在南八十里其地南面重山而討來河水從此而  
至入地伏流不數武而出地如橋然可通人馬如天造  
焉故曰天生也楚壩詳金佛寺中明參將焦麟曾斬斷

此橋楚壩今歷年久徒扛輿梁又成河水卽討來之水  
源出祁連逆肅南而西流者也重岡硤在堡西南一百  
九十里各山之總硤硤窄而陡馬不可騎必牽之而行  
魚貫以過舊堡爲黑番小宛卜族住牧蓋番僧長結思  
冬之後也堡屬於金佛寺舊  
無戍兵西北至肅州八十里

紅山莊因近紅山而得名文殊在左觀音在右莊居其中  
左右可投之地也其土寬衍仰兒壩之水遠漑田疇沃  
野可耕之地也番僧悉居於此廣羅族類爲肅之南面  
外藩焉今番族外附則左右山口尤宜防閑而卯來金  
佛相去甚遙必宜增屯兵於此一以爲金佛之傳鉢沙  
門一以爲觀音文殊之降魔護法也西四十里則文殊  
口

山色紅故名紅山文殊口在西四十里觀音口在東  
十里仰兒壩卽紅泉新壩也明時烏斯藏之番僧曰

普爾咱住牧於此傳至結思冬其徒甚盛乃分爲大宛  
卜小宛卜二支而黑番貪其貨賄飲食多有種落焉今  
黑番屬官代宛卜所轄仍納達賴喇嘛添巴卯來泉在  
西八十里金佛寺在東二十里卯來金佛相去百里許  
舊無  
戍兵

文殊山口鑿山爲洞覆瓦爲寺番僧之所居也山口兩山  
對峙水泉中流南爲濫泥山可通天生橋文殊無守則  
夷由此以前而塔兒灣黃草壩等堡先受其荼毒矣有  
明之監司斬斷文殊口築嘉峪長城而各堡始安堵焉  
然斷橋斬土恃地爲險又不若守小峽以人踞險鼠鬪  
穴中夷之長技無所施也西南七十里至卯來泉焉文殊

山在南而山口在寺後寺甚多舊云有三百禪室皆唐  
初所創俗謂之小西天元太子喃達失有碑記在焉濫

泥山在西南百餘里其山多水泉泥瀟故曰濫泥一作  
淖泥天生橋已詳永安堡中塔兒灣堡東北至肅州三  
十里黃草壩堡東北至肅州十五里清水堡亦有壩與  
此名同而實異也兵備李涵斬斷文殊口絕夷人南入  
之途也築嘉峪關長城絕夷人西來之路也小碛在文  
殊口內其碛峭壁窄徑人馬難行文殊口番族所住舊  
無防兵北至肅州三十里

卯來泉堡在山腰泉流堡右幽僻荒涼之地黑番多居之  
堡西可達腸子溝紅泉溝長城所自起也堡前後則牌  
樓山松山環峙如城郭堡西南遠而小崑崙雖無居之  
者切近則小雪打班其外則速魯討來二川爲夷一大  
都會也則淖泥牌樓諸山之後凡可以渡水者必謹遏  
禦之昔人於堡屯兵不爲是也今夷之在南在北者有

不以此爲捷徑耶西北四十里則嘉峪關矣

堡在半山西南依山

阻險東北直達肅州堡小地僻多山無田黑番白刺宛  
冲族住牧今其目曰掌印羅漢與達賴喇嘛添巴陽子  
溝東至肅州一百九十里紅泉墩東北至肅州一百五  
十里南山討來川及各夷欲入腹裏必從堡南渡河若  
扼險峻防則必從陽子溝至紅泉墩於長城盡處入也  
牌樓山距肅州百里形如牌樓松山卽松打坂在淖泥  
山之東北距肅州百餘里崑崙山在西南一百八十里  
小雪打坂卽祁連山祁連至此漸卑故呼爲小雪打坂  
卽山坡蓋夷語也討來川卽麥力幹喀及阿爾賴青臺  
吉住牧淖泥山卽濫泥山水卽討來川水自東而西繞  
南山之後其勢甚急人馬不可涉惟天生楚壩二橋可  
渡水至卯來分流一派入境謂之卯來泉泉水東北流  
向肅州堰壩灌田而河水差小及合清水紅水白水沙  
河從下古城由邊東流謂之討來河至岔口鎮夷界合  
張掖河水謂之天倉河東北流向合黎爲討來河與討  
來川不同川在肅南其分至肅北者謂之河也有明時  
兵備王忠顯置倥設兵二百二十名番兵  
五十名今堡有把總東北至肅州七十里

嘉峪關卽壁玉山亦謂之玉石山明收河西地而以嘉峪爲中外巨防此河西之極而譬諸吐舌之末也地無居人爲屯兵焉四面平川而關在坡上初有水而後置關有關而後建樓有樓而後築城長城築而後關可守也嘉峪南連卯來北接野麻東達肅州西出塞外明以哈密主西域貢故西域出入咸在嘉峪及三衛內徙閉關已久關之西一民非臣尺地非土關外則有大草灘水足草美往來番夷所停驂而駐足也西北有石關兒石硤天險扼塞之區硤外則扇馬營昔皆屯兵今城已爲頽牆墮瓦而降阿飲池於其地者駭牝三千矣更西則